



کتوا حاکیم شرعی

KETUA HAKIM SYARIE

Aras 5, Mahkamah Syariah Perak,
Jalan Tan Sri Hj Harussani,
30100 Ipoh,
Perak Darul Ridzuan.

Tel: 05-5018402
Faks: 05-5018540
Emel: khsperak@esyariah.gov.my

Ruj. Kami: JKSPk 600-1/2/4 Jld. 3 (34)

Tarikh : 7 Syaaban 1444H
28 Februari 2023M

Y.A. Hakim-Hakim Mahkamah Utama Syariah
Perak Darul Ridzuan

Y.A.A Pengerusi Mahkamah Rayuan Syariah
Perak Darul Ridzuan

Y.A. Hakim-Hakim Mahkamah Rayuan Syariah
Perak Darul Ridzuan

Y.A. Hakim-Hakim Mahkamah Tinggi Syariah
Perak Darul Ridzuan

Y. Bhg. Tuan Ketua Pendaftar Mahkamah Utama Syariah
Perak Darul Ridzuan

Tuan/Puan Hakim-Hakim Mahkamah Rendah Syariah
Perak Darul Ridzuan

Pendaftar-Pendaftar Mahkamah Tinggi Syariah
Perak Darul Ridzuan

Penolong Pendaftar Mahkamah Rendah Syariah
Perak Darul Ridzuan

Arahan Amalan

Ketua Hakim Syarie Negeri Perak

No. 8 Tahun 2023

Keperluan Pemfailan Kes Tuntutan Nafkah Anak Bersama Kes Tuntutan / Permohonan Perceraian / Pembubaran Perkahwinan

Saya ingin menarik perhatian Y.A.A / Y.A / Tuan / Puan kepada keputusan Mesyuarat Jawatankuasa Induk Arahan Amalan Jabatan Kehakiman Syariah Perak pada 12 Januari 2023 dan 28 Februari 2023 serta berdasarkan peruntukan seksyen 45 Enakmen Mahkamah Syariah (Perak) 2018, saya mengeluarkan Arahan ini berhubungan dengan Keperluan Pemfailan Kes Tuntutan Nafkah Anak Bersama Kes Tuntutan / Permohonan Perceraian / Pembubaran Perkahwinan di Mahkamah Syariah Yang Berbidangkuasa.

1. Mana-mana pihak yang memfailkan tuntutan / permohonan berkaitan perceraian sepertimana di Jadual 1 hendaklah memfailkan bersama kes tuntutan nafkah anak di bawah seksyen 73, seksyen 79 atau seksyen 81 Enakmen Keluarga Islam (Perak) 2004 dengan menggunakan kod pendaftaran sepertimana di Jadual 2.
2. Kes tuntutan nafkah anak sepertimana di Jadual 2 yang difailkan bersama dengan tuntutan / permohonan sepertimana di Jadual 1 perlulah menjalani Majlis Sulh selepas pendaftaran kes.
3. Majlis Sulh pertama dengan kehadiran pihak suami perlu membincangkan kedua-dua kes secara bersama dan Mahkamah hendaklah mengambil perhatian terhadap kebajikan anak dari sudut nafkah dengan mempertimbangkan hasil perbincangan sama ada kes tuntutan / permohonan perceraian atau pembubaran perkahwinan tersebut boleh diselesaikan segera atau sebaliknya.
4. Jika pihak-pihak berjaya mencapai persetujuan berkaitan dengan kadar nafkah anak, Perjanjian Penyelesaian berkenaan perintah kekal Nafkah Anak berdasarkan jenis kes di Jadual 2 hendaklah dipanjangkan untuk pengendorsan oleh Hakim yang berbidangkuasa dengan kadar segera dan perintah kekal Nafkah Anak berdasarkan jenis kes di Jadual 2 hendaklah dikeluarkan.
5. Jika pihak-pihak tidak mencapai apa-apa persetujuan berkaitan dengan kadar nafkah anak, Pegawai Sulh hendaklah menyediakan Laporan Sulh dan memanjangkan kes kepada Mahkamah yang berbidangkuasa untuk memerintahkan nafkah sementara anak dengan kadar yang munasabah di bawah peruntukan perenggan 74(1)(c), subseksyen 74(2) dan (3) Enakmen Keluarga Islam (Perak) 2004.
6. Mahkamah hendaklah menetapkan suatu tarikh prosiding selanjutnya bagi kes tuntutan nafkah anak tersebut.
7. Ketetapan di Perenggan 5 tidak menghalang mana-mana pihak untuk memfailkan Permohonan Perintah Interim Nafkah Anak di Mahkamah Tinggi Syariah berdasarkan seksyen 202 Enakmen Tatacara Mal Mahkamah Syariah (Perak) 2004.

Arahan amalan ini berkuatkuasa mulai **28 Februari 2023.**



(YAA DATO' HJ. AB. RAHMAN THOBRONI BIN HJ. MOHD MANSOR)

Ketua Hakim Syarie

Jabatan Kehakiman Syariah

PERAK DARUL RIDZUAN

s.k:

1. Y.B Penasihat Undang-Undang Negeri Perak
2. Pegawai Undang-Undang Majlis Agama Islam dan 'Adat Melayu Perak
3. Ketua Pendakwa Syarie Negeri Perak
4. Pengarah Jabatan Bantuan Guaman Negeri Perak
5. Ketua Penolong Pengarah Bahagian Pembangunan Keluarga JAIPk
6. Ketua Penolong Pengarah Bahagian Penguatkuasaan Agama JAIPk
7. Penolong Pengarah Bahagian Sokongan Keluarga
8. Peguam-Peguam Syarie Negeri Perak

JADUAL 1

Kod Pendaftaran Kes Tuntutan / Permohonan Berkaitan Perceraian / Pembubaran Perkahwinan

BIL	JENIS KES	KOD BAHARU	KOD LAMA
1.	Tuntutan Pembubaran Perkahwinan Atau Untuk Fasakh	162	014
2.	Tuntutan Pengesahan Lafaz Cerai Soreh / Kinayah Yang Disertai Niat Untuk Bercerai & Tidak Berkeinginan Untuk Ruju'	152	054
3.	Tuntutan / Permohonan Perceraian	151	055
4.	Tuntutan Khulu' / Tebus Talaq	154	056
5.	Tuntutan Pengesahan Cerai Ta'liq	153	057

JADUAL 2

Kod Pendaftaran Kes Tuntutan / Permohonan Berkaitan Nafkah Anak

BIL	JENIS KES	KOD BAHARU	KOD LAMA
1.	Tuntutan Nafkah Anak	251	024
2.	Tuntutan Nafkah Anak Angkat	253	-
3.	Tuntutan Nafkah Anak Tak Sah Taraf	252	084